



余五十八解兩江總督任戍輪臺八閱月
起官徠寧叅贊六十二以少宰

詔歸數年中奔走龜茲疏勒間山川人物



見所未見偶有所觸記之以詩率多不經
意之作少陵云老去漸於詩律細余於律
未精何敢言細所可自豪者老而已矣余
一生三為學士又兄弟同為學士又以學
士總理回疆書生際遇不為不奇不可無

詩聊資談助云爾翰林叅贊鐵保記

癸酉六月望日門下晚學生顧廷綸
恭校一過

玉門詩鈔

登天山小憩

梅翁鐵保著



天。山。如。天。高。我。到。天。山。頂。萬。笏。峰。怒。排。轟。
立。兒。孫。等。上。有。關。侯。祠。小。坐。啜。山。茗。雪。花。
大。如。掌。迎。面。若。搯。艇。茫茫。長。安。道。萬。里。秋。
烟。迥。

出關作

萬里巖疆事遠遊。玉門關外此淹留。塞山
不及征夫健。纔見秋風已白頭。

車中口占

平原千里路茫茫。積雪連天入大荒。坦坦
王程沙磧遠。玉門關外有康莊。

小住村寮落日昏。飢驅百里下高原。巴童
報道午炊熟。自割黃羊帶血吞。

檢得山柴帶雪烘。嚴風搜壁燭搖紅。燒殘

楫。拙烟難盡身在黃梁雲霧中。

孤村草草解征驂。暫息塵勞苦亦甘。忽聽
塞垣懊惱曲。曉風殘月憶江南。

登智珠山

幽棲懷抱向誰開。聯騎城東上翠隈。獨客
醉登危閣迥。萬山氣擁大河來。漸消積雪
通冰壑。指日春風破凍荻。如此溪山容小
住。何人高唱紫雲迴。
時有客吹笛

戲題及門筮繩齋山水障子

讀書萬卷破天根。况復從游到塞垣。收拾
山川奇氣足。玉門關外畫崑崙。

次及門阮中丞寄懷元韻

南雲迴首是他鄉。身到輪臺客夢長。猶憶

去年三月半。一江風雨泛沙棠。

故園北望久離家。况復金陵水一涯。江外

春風江上月。五年前已證空花。

宦游十載別江鄉。塞馬嘶風驛路長。聞說

淮壩薪似桂也。應炊到舊甘棠。

君謫蓬萊尚有家。笑余襍被客天涯。祁連

山上春如海。開到江南桃李花。

即事

巖風四月冷。添裘抱膝荒齋興。亦幽插壁
野花標。綽約掛簷山鳥叫。勾輞閒翻曲譜
收新調。偶檢前詩憶舊游。如此謫居消永

晝更無心事。縮離愁。

正是南糧北上時。那堪凌汛阻歸期。當機

不。乏。籌。河。術。挽。運。仍。愁。抵。壩。遲。萬。里。臣。心。

猶未竟。

九重天。眷豈終移。

戊烏城八月即蒙恩授徠寧叅贊夢迴

獨對銀缸坐。手把青銅驗鬢絲。

兀坐荒齋事事無。此身合與古為徒。朝飡

大嚼烹羊胛。午夢纔醒弄鼠鬚。每挹生徒

成小集。偶隨樵牧到山隅。旅懷不用人排

解到處。褒斜是坦途。

更無心緒賦閒情。百感忘來夢亦清。詩好。

僕依蕭穎士。調高客遇柳耆卿。

朱砥齋筮繩齋俱善

詞為消塵滓。添書病不築愁城。廢酒兵興

未頽唐身更健。白頭猶作少年行。

砥齋廉使新闢小圃。詩以記事。

土屋茅階闢草萊。不須隙地起樓臺。開窓。

但放青山入。遲客先邀明月來。到處生徒
隨絳帳。四時花鳥助深杯。笑余合傍蓬萊
住。酒陣詞壇得暫陪。

閒居效放翁體

頽唐老眼謝時髦。鍵戶懸車興更豪。欲却
睡魔。耽白戰。為醫臂痛。挽烏號。廢書我已
忘。孤癖健飯人。應笑老饕如此溪山容。小
駐敢將身命等鴻毛。

對殘花作

罌粟花開五色披。輪臺佳種見應奇。明年
馬首知何處。且對殘葩坐少時。

憶舊游詩十二首

余生於乾隆壬申忽忽週甲一事
無成緬懷舊游都成陳跡偶作小
詩以識歲月
情見乎詞矣

束髮事遠遊。長歌渡易水。拾級燕昭臺。飛
轡荆軻里。少年重意氣。自視乃無比。瞥眼

成顏翁名場游戲耳

昔登翠微峯嘯傲烟霞外探幽破雲竇引
領發天籟招邀素心友奮筆爭狡獪黯然
讀舊詩無由續高會

奮履摘星坵探竒水雲洞七十二庵中處
處烟霞供僧老伴虎棲松古和雲種故人
不可見良游與誰共

我來東鎮東一登盤巫閭萬壑勢盤鬱高

峰插太虛昔年此構兵一戰通舟車山川
靈異鍾萬古青有餘

我來山海關目中有滄海海外更無天無
從問真宰老妻興更豪先我據高塏乃繪
觀海圖筆花耀精彩

金焦如雙丸天風吹不去峙立洪濤中風
雨變朝暮手摹瘞鶴銘足躡郭璞墓興酣
鼓棹歸初月挂江樹

論文大江南心醉溪山勝出闡叩棲霞一
慰壯游興載登最高峯萬里江如鏡長歌
謝山靈天外山谷應

馮夷知效順海宴無獍波我來吳淞口籌
海禦蛟鼉水戰備舳艫陸路排金戈鯨鯢
跋浪飛無事慮么魔
萬峯如兒孫環抱泰山足我合天地觀泰
山亦一粟人生如寄耳胡為自羈跼舉頭

天影低茫茫看日浴
天山本天然屹立自雄貴迴視吳越山都
增脂粉氣嚴風搜敝裘積雪塞空翠小憇
關侯祠征夫半顛顛
出關如歸家計日到荒戍迴首關門關中
原隔雲霧戈壁無人行軍臺容小住何時
出關人重問入關路

茫茫烏壘山派引崑崙墟梯雲發長嘯逸

響動坤輿浮蹤遍天下南北無長途白頭
歸去來一補壯游圖

冰墀坂

巍巍冰墀坂積雪凍如鐵洪蒙開闢初此
地人跡絕

天王奮神武拓地到崑碣五丁天遣來峻
嶺通車轍至今來徃客無慮車輪折六月
風雪寒窮陰氣凜冽勞勞行後人南望猶

咋舌

樹窩

亂樹結成窩天光不到地杈榭萬木攢誰
能問深邃中為虎兇藪沙上爪痕萃腥風
動地來萬馬為辟易行行天日昏引領亦
心悸快哉野燒燔燎原等兒戲

戈壁

天荒地不毛碎石平如掃行行沙磧中千

里無寸草。狐兔遠遁。藏旅販行。踪少鷲見。
鳥雀飛知已。近村堡何能計。里程晷影驗。
遲早

不寐

枯燈生冷燄。兀坐夜如何。客忘家計衰。
年減睡魔。猙獰穿壁急。塞月入窻多。六十
年間事。輪翻枕上過。

徠寧雜詩

疏勒古雄國。今為沒齒臣。衣冠仍異俗。耕
鑿等編氓。寒暑陰晴變。山河壁壘新。覃敷
文教遠。天地愛斯民。

清秘堂前客。翻然萬里行。行年入花甲。
恩命應先庚。久病踈鉛槧。孤身治甲兵。巖

疆容坐鎮。投筆笑書生。

半壁西南地。山川入大荒。分茅盡回鶻。通
估到西洋。久喜邊塵靖。都忘驛路長。建牙

星宿海投老壯心償

阿渾談經處謂回人經師黃童白叟環道標

三教外風動八城間士可操刑政民多類

草菅

朝廷從欲治化外順愚頑

十月盤雕熟陰山好合圍風沙隨馬起毛

血帶霜飛酒釀蒲萄滑鮮烹雉兔肥醉餘

齊罷獵山月照人歸

絕域夷風陋漸摩眾易從笙歌齊送日每日

申酉時擊鼓誦版鍾竟澆冬收獲後放水入田謂之澆冬

禽處忘頽俗蝸居儼素封古來沙漠地無

事講兵農

半鈎新月上又見一年春回俗於九月初望

見新月此日踏歌者都成送歲人金珠爭

耀首絨褐半章身鼓吹昇平福遐荒民氣

淳

七日日中市欣從把雜來七日一市謂中之把雜爾

原貨爭積重譯客無猜貿易聯西藏舟車

洞八垓回疆真富庶烟戶萃荒萊

女伎當筵出聯翩曳綺羅歌應翻俚曲舞

欲效天魔髮細垂香縷眉長補翠螺不堪

通一語默坐笑婆婆

茂林環曲水身到伯斯塘築土正方四面環水密植榆柳

以為憩息之所天外雲陰合樽前塞草香謂之伯斯塘

低枝爭繫馬少婦笑窺牆到處宜行旅應

忘客路長

內子初度日長律却寄

齊眉老友敬如賓白首持家亦苦辛四十

一番初度日萬三千里未歸人童年兒女

離愁薄久客師生禮數真

天眷未移身更健瓜期應卜艷陽春

翰林學士遠防邊花甲初週少一年身到

玉關親士卒爭如瀛海作神仙鼠鬚偶試
機猶溢羊胛頻吞味不羶馬上裁詩介眉
壽苦無佳句寄華筵

既作卡浪圭異石記又綴長律二首
半。生。未。舍。三。灾。石。此。日。猶。為。抱。璞。人。憎。說。
砭。砭。能。混。玉。莫。教。砂。礫。更。埋。珍。奇。文。迥。出。
人工巧大雅方知造物神海岳庵中問米
老賞心或恐不如臣

曾隨精衛填滄海未遇媧皇補碧天此日
卡。倫。圭。石。貴。不。教。疏。勒。國。人。傳。地。應。愛。寶。
藏幽壑我欲搜奇涉大川自笑歸裝無長
物洞天一品作腰纏

示元兒

萬里文鯨到塞荒喜聞文戰已終場過庭
我。正。懷。曾。點。教。字。兒。能。繼。阿。章。遇。早。莫。希。
金馬貴學成人羨白眉良父書能讀真吾

子生笑王孫寫弄獐

獨客二首

獨客戀孤枕。燈昏夜氣適。老懷同伏櫪。歸
夢急傳郵。幕府材官肅。邊城畫角稠。地高
天亦近。星斗挂簷頭。
吟餘懷舊雨。塞月入窗新。坐數青雲客。都
成白髮人。交疎書斷雁。地遠德無隣。解意
憐回鶻。顓蒙意可親。

庚午除夕感懷二首

臘尾春頭序。又更一般守。歲駐邊城身。經
患難。閒愁少。人到衰頽客。感輕不必椒盤
能獻歲。暫拋班管笑。談兵明朝花甲初。週
日莫為頽唐悞。酒盟
又逢初度試。燈前落拓名場六十年。肘後
應無醫老術。囊中休問買山錢。未除慧業
難成佛。再懺機心可證仙。從古文章與經

濟儒林傳有幾人傳

書懷二首

抱影空齋寂枯禪對令辰家書踈似夢天
氣冷於人久客親詩卷閒官計俸緡出關
頻度歲風景又從新
老矣年華晚明朝花甲週功名成白首身
事等浮鷗萬里巖疆重三春獨客愁瓜期
應有待歸夢幾時休

媯娜曲

回人
舞名

崑崙迤西碣石北中有雄藩古疏勒國中
女樂稱最奇意態翩翩勝巴翹當筵醉舞
號媯娜對對紅粧耀新飾低昂應節態婆
娑翩若驚鴻曳雙翼齊眉翠黛入鬢長拖
地青絲隨袖側鼻音促節不可辯俯仰依
迴那能識我會以意遇以神彷彿離人訴
反仄夷人重譯媯娜詞座上聞之三嘆息

江。南。江。北。此。最。多。一。曲。纏。頭。無。定。則。朝。朝。
暮。暮。歌。吹。繁。歲。歲。年。年。風。月。逼。江。上。琵。琶。
曲。未。終。六。朝。金。粉。無。顏。色。我。聞。媯。娜。聲。鳴。
咽。迴。首。吳。門。隔。西。域。歸。來。為。補。媯。娜。詞。懊。
惱。聲。中。淚。沾。臆。

寂寂

寂。寂。蕭。齋。靜。荒。衙。坐。冷。檀。官。閒。書。有。債。身。
健。病。無。權。久。客。踈。鄉。夢。幽。栖。入。老。禪。自。慚。

香案吏籌筆事防邊

書懷二首

珥。筆。韜。弓。出。玉。關。周。妻。何。肉。累。全。刪。夢。依。
吳。越。江。山。外。身。到。崑。崙。碣。石。間。刁。斗。不。聞。
沙。漠。靜。簿。書。常。簡。柳。衙。閒。白。頭。尚。有。登。瀛。
福。坐。擁。殘。書。伴。老。孱。
華。髮。蕭。騷。事。遠。遊。萬。三。千。里。此。淹。留。乍。依。
西。域。日。中。市。親。見。黃。河。天。上。流。兩。路。回。夷。

分彼界八城將帥喜同舟半年謫宦超都
護投老涓涯懼莫酌

四憶詩

余去江南歲又更矣感故
懷人情不自己作四憶詩

我憶江南百姓家驚聞淮水又無涯盡拋
舊業依茅舍爭上長堤卧淺沙幾見廬田
通舴艋誰從鉅浸問桑麻經年無補蒼生
事迴首吳門感歲華

我憶江南僚佐繁官場聚散幾人存開樽
未醉登樓月分袂誰攀出塞轅到處盡關
仁主慮幾人真雪兆民冤勉將能吏為循
吏好聽佳聲到塞垣

我憶江南山水奇畫圖影裡駐旌旂放衙
客逐江雲散行部舟隨岸月移鍾阜勢消
王氣息金焦影蠹海潮低建牙五載金陵
署贏得吟情老不疲

我憶江南風景和春花秋月等閒過蘭旂
桂棹搖紅雨蟹舍魚莊趁綠莎一代奇文
傳筆札六朝遺響刺笙歌竭來萬里窮荒
地猶引閒情入睡魔

玉門詩鈔卷二

梅翁鐵保著

人日偶成

六十流光等逝川又逢人日塞雲邊新春
客况殊常日投老閒情勝少年萬里扶搖
身似鶴一時揮洒筆如椽壯懷幸不頽唐
甚身是瀛洲第一仙
垂老家居似異鄉不妨獨客駐遐荒偶懷

舊雨如雲散。不信新年比。夜長關外師。生
酬令節。閨中兒女話巖疆。

賜環又擬初春後。檢點殘詩貯客囊。

烏什道中望雪山作

萬里祁連山。一片太古雪。此山以雪名。乃
為衆山穴。回紇昔構亂。犬羊肆猖獗。將軍
天上來。一掃欃槍滅。捷伐殲醜類。赤地人
烟絕。乃移近境氓。比戶事耕畷。綿綿數十

年。孳養儼城闕。安居聚樂土。庶與別城埒。
山巔關侯祠。云是亂後設。威靈佐大軍。指
顧靖妖孽。至今回鶻人。語次猶咋舌。我來
重巡宣高山。仰遺烈。欲登千仞峯。跬步愁
跛蹙。

葉爾羌道中

萬里星輅到。葉城深林密。樹少人行驚。沙
障日。雲陰黑。怒馬嘶。風虎氣橫塞。路枯槎

埋故轍燎原野燒阻前旌長途里數無從
問止計軍臺不計程

白草荒烟趁夕暉蕭蕭騶從馬如飛夜眠
酣卧穹廬暖辰饌鮮烹狡兔肥深喜回民
嫻禮數不應官吏昧心機此行無事推敲
苦久矣

天心辨是非

時奉

葉爾羌
審案

旨赴

阿克蘇城被水馳徃勾當紀事

我昔建節吳江邊日與陽侯為比肩經年
襆被駐紮浦黃水未退湖水連今茲遠謫
疏勒地萬三千里馳風烟黃沙白草半戈
壁幸無水患遭迤邐不圖五月雪水漲極
天駭浪奔巨川阿克蘇城被淹浸哀哉回
戶家無椽城垣倉庫盡圯倒游商戍卒愁
顛連我聞郵報束裝去銅鉦火傘相熬煎
兼程十日到尚早灾黎如望雲霓懸先散

金錢作撫卹後蠲租稅拯市廛官衙兵舍
工畢舉更築堤岸籌防宣以工代賑良法
在稍喜編戶得安全飛章馳騎奏

天子

如傷懷抱慰乾乾嗟余每與水作難捍禦
無術成播遷一城鴻雁得安堵聊藉此役
彌前愆長歌再拜陽侯去莫更與我同周
旋

暑日夜行示同人

秉燭真成萬里游陰森夜氣冷如秋長途
酣卧車為屋絕壑孤攀虎作儔半濕葦塘
多野燒無邊沙磧没前驕此行免受炎蒸
苦白日郵亭許暫留

長制軍起官河南巡撫喜賦

總制西南若比隣笑君先我逐邊塵出關
路作入關路失馬人為得馬人回紇山川

題已徧汴梁風土治從新一般謫宦叨
恩遇望著歸鞭及早春

回俗過年日口占

紀期三百六十日每到秋來歲籥新未必
黃楊能計閏不須綵仗更迎春爭看初月
如鈎上不覺流光似水頻我到履端酬令
節一年人是兩年人

題三仙洞

洞天七十二是處標靈異咄哉此仙人乃
棲回鶻地不知何代人鶴馭等游戲遺像
遭摧殘無從問詭秘中繪狄武襄威靈尚
昌熾野史半穿鑿是非兩姑置仙人去不
返古洞迷空翠西望崑崙邱何能探幽邃
感懷
獨夜寒天擁敝裘半生心事五更頭已諳
世故貧非病未報

君恩老不休。幾見籌邊推學士。敢將禦寇
羨通侯。即今少宰叨

恩命歸去藤廳話舊游。余通籍之初觀政吏部後曾兩任吏

部侍郎今復承恩命蓋三典銓曹矣

壬申正月十四初度日偶成

又逢初度泛流霞。六十光陰手一叉。三典

銓曹推舊尹。再叨

恩廕起儒家。行蹤欲擬歸巢鴈。歲月真如

赴壑蛇。指日瓜期三月半。朝衣香染上林
花

題敬齋方伯所藏明人戶口冊詩卷

併序作書如作人以自然流角無跡

不可求是也。此卷錄同時人詩文畧。不經意而自自然然。流利以趙松雪風。神叅以倪雲林蕭疎書卷之氣。蓋然紙面又所不著。書人名字而自能。不朽此其所以傳也。宋榻聖教序。以戶口冊為之。此卷亦用紙。豈彼時紙貴或竟以此紙為佳耶。余自巳巳七月赴戍久不見古人名。

蹟今得遇此卷又與敬齋舊雨同
官徠寧論詩評書何幸得此率題
長律以
識年月

不知何處戶口冊寫作先生紙背書喜見
新詩收篋笥忍教殘籍沒抄胥書成不屑
留名字筆潤無須辨魯魚好事之江老方
伯裝潢携伴使臣車

雪窗與敬齋方伯夜話

雪花如掌筆如椽快論驚人掃舊編廿一。

史從何處說大千世許幾人傳了無綺語
消長夜猶有閒情勝少年莫笑東坡能說
鬼聊攄竒想塞雲邊

初度前一日書到得孫詩以誌喜

六十一翁聞抱孫書隨征雁到崑崙丁添
蘭譜增家慶廕補銓曹叩

主恩喜見書香承世業敢期駟馬大吾門
好音恰報稱觴日先試含飴酒一罇

游三仙洞

七。十。二。洞。天。無。地。容。卓。錫。乃。竄。疏。勒。西。鑿。
空。依。岩。壁。疑。古。謫。仙。人。逃。名。遁。空。寂。山。荒。
雲。不。棲。石。碎。沙。如。激。危。梯。高。百。仞。欲。上。心。
轉。惕。仙。人。不。可。見。仙。洞。此。親。歷。謫。官。如。謫。
仙。俗。然。竟。誰。適。

柳泉詞

傳有回婦不為強暴所污淚
滴柳下遂化為泉從樹孔出
是回婦秉貞度越千古
是回婦秉貞度越千古
是回婦秉貞度越千古
是回婦秉貞度越千古

妾心清如泉。妾命薄於柳。泉清濯柳根。弱

質自長久。解一。擗。颺。摧。柳。枝。柳。折。泉。不。竭。滴。

滴。大。路。傍。中。有。婆。婦。血。解二。或。化。鴛。鴦。塚。或

作。精。衛。石。淚。盡。泉。不。枯。泉。清。心。逾。赤。解三。回

婦。知。守。身。精。誠。化。清。瀨。採。風。經。柳。泉。誰。能

斥。化。外。解四

春日

輕陰薄靄柳毵毵。小圃春深午夢酣。行到

溪山最佳處。杏花時節憶江南。
久客逢春不見春。春來又作送春人。墻頭
紅杏。溪邊柳。且為春風駐一旬。

放歌行

驚。颺。為。輪。雲。為。旂。出。門。大。笑。窮。攀。躋。章。亥。
有。步。不。能。測。凌。虛。飛。躡。崑。崙。西。崑。崙。西。遇。
浮。邱。子。携。我。直。上。萬。仞。縹。緲。青。雲。梯。走。眼。
盡。八。荒。俯。首。瞰。四。夷。八。荒。四。夷。小。如。粟。向。

誤芥子為須彌。江海等勺水。泰岱如丸泥。
舉頭天日近。側身雲霧低。吁嗟乎古來蠻
觸鬪蚊睫。朝為吳越暮楚齊。六經交交刺
糟粕。二十一史全無稽。劃然發長嘯。巨响
訇岩谿。青天高尺五。吐氣成虹霓。十洲三
島羅眼底。瓊樓玉闕鳴天雞。歸來為補壯
游事。茫茫春夢無端倪。

春日感懷

銜杯坐對落花風。欲寫閒愁句不工。小友半登點鬼簿。餘生合作信天翁。悶邀舊雨嬉荒圃。老作新詩寄塞鴻。歸去春明頭已白。一燈兒女笑癡聾。

巡閱卡倫

譯言柵也沿邊設柵每處築小城設侍衛一兵四十

以稽出入

天險分中外邊城斥堠齊

一王嚴控馭萬國競輪蹄拓地烏斯北屯

軍碣石西時平閒戍卒出入總編黎。不涉巖疆遠誰知天地寬。我來萬千里西望路漫漫。言語分諸國山河入大觀。建牙疏勒外白首笑登壇。

回部

聚族聯回部。酣歌樂有餘。衣冠同左衽。文字任橫書。土屋居無榻。荒田草不鋤。問年惟計日。歲月幾乘除。

中國尊儒術。西方重釋經。地荒天亦遠。人蠢佛無靈。燕坐傳鴉片。新粧飾雀翎。誰能變夷俗。化外樹儀型。

醉歌行

天上有星地有泉。人間乃有酒中仙。頽然一醉天地黑。前有千古後萬年。有時為書。淫有時為詩。顛六經中辨偽文字。千載上友真聖賢。彭祖天顏子壽人。能不死天無。

權海上有三山。飄渺乘飛烟。天風吹我去。側身崑崙巔。飢餐流霞渴飲露。何如大嚼吞腥膻。我無酒量得酒趣。飲少輒醉王公前。安得坐覓不醉藥。飲如巨壑奔長川。手挽天河勸明月。超然我與我周旋。

見家書作

不見家書來。旅懷為撩亂。家書到。面前疑信。又忝半滿紙。報平安一字無。點竄顛倒。

再三讀拭目自披玩無字是真經文從空處看。

徠寧有樹似梅而無香實更酸於梅

詩以記之

三月山梅發瓊英綴遠揚花時能見葉開處不聞香索笑人難覓調羹味更長不須勞駟使佳種徧西荒

回地見牡丹喜作二絕呈敬齋方伯

牡丹花久冠羣芳驀對奇英喜欲狂珍重好花如好友同隨征雁到巖疆
萬三千里路湯湯誰向邊庭種牡丹始信此花真富貴不同羣卉避荒寒

詠懷

儷青妃白老居諸萬里防邊興自如對客頻臨爭座帖背人間玩絕交書譏彈史事神猶王檢點名心習未除

詔已許歸歸未得羸軀仍戀使臣車
周妻何肉累全拋指日清和序又交將老
游蜂猶釀蜜。歸新燕也。營巢殘書欲試
毫先禿古調微彈柱已膠歸去春明笑老
醜塞風吹雪上眉稍

立夏日作

清和時節坐官衙人去閒庭靜不譁故壘
仍延前度燕瓦盆先種隔年花山搜異石
都成研柳剪新稍可當茶羸得閒心消永
晝歸鞭休問客途賒

戲題自編年譜後

游戲名場六十春不生歡喜不生嗔編成
幾卷冬烘傳留贈他年諛墓人
與同人擬元人齋中雜咏分得四首

攤飯

飽饜四紅飯高眠八寶床晨炊消白粲午

夢熟黃梁。功欲侔行。食心應等坐。忘老饕人亦笑。匿影黑甜鄉。

搔背

安得麻姑爪。頻從癢處搔。珊珊通骨節。款款散風騷。危坐脊難豎。低吟神愈豪。羸軀僵已慣。纖手不須勞。

澆書

經年誇腹笥。冥索笑腸枯。靈液一瓢潤。丹田萬卷蘇。愁城看破壘。詞陣壯操觚。醉後狂歌發。誰能問酒徒。

捫蝨

落落古今事。雄談氣絕倫。禪中時見蝨。座上久無賓。竒癢搔應遍。冥搜指有神。微髭難托足。合伴相公身。

次敬齋方伯韻即以留別

不須再寄隴頭梅。塞馬輕隨旅雁回。送客

青○山○催○夢○去○著○花○老○樹○殿○春○開○顏○唐○我○豈
逢○時○器○卓○犖○君○真○曠○世○才○堪○笑○玉○門○關○外
路○幾○人○歸○去○幾○人○來

玉關行

玉門關上人如螳玉門關外平如砥丈夫
不出玉門關笑殺閨中兒女子黃沙白草
天茫茫南北兩路通窮荒伊江烏壘儼都
會規模壯濶天一方我生作客戍紅廟烏

木齊俗名紅廟八月欣承

賜環詔移節南來疏勒城萬里回疆握衝
要翰林叅贊從古無書生坐鎮操兵符生
憎倚馬稱佳士始信雕蟲不壯夫即今遠
釋邊陲寄歸伴山公同啓事揚鞭笑入玉
門關白頭差遂四方志

試馬行

春郊十里平如掌細草蒙茸雜榛莽洼池

天馬天上來駿骨崢嶸氣骯髒材官超乘
據馬背振策騰驤去復往鼻端出火耳生
風矯若游龍戲洪漭古來名馬出西域千
金市駿誰知賞九方不遇支遁死下與鴛
駘同廝養不應更生回鶻地受盡鞭箠老
邊壤那如負鹽上太行血汗淋漓駕輪輞
我對此馬三嘆息自顧年來馬齒長騎汝
歸入金馬門長嘶更作追風想

見新月回人三百六十日後見新月
為一年作見新月詞以記之

三百六十日如駛以月占歲歲云始閨中
禮拜心最誠拜罷開齋啜甘脂喧呼徹夜
如雷霆舉酒酌月月不醒歌聲嗚嗚鼓聲
咽男女醉卧全忘形一年一度月光好如
此良宵敢草草我欲喝月使倒行今歲紅
顏明歲老

旅夜

孤燈耿短燄兀坐覺寒侵風急星芒閃天
低夜氣沉乍閒忘遠宦久客動歸心屈指
端陽後刀環馬上吟

將歸作

早作還朝想行期總未真長途疑遠雁久
客妬歸人好趁西風去都忘驛路辛重陽
風雨近兒女笑言親

歸期已定喜作

瓜期已卜菊花天又見荷開未著鞭屈指
歸時當九月計程關外已三年羌人解作
攀轅話異域都成涉世緣歸去題糕逢令
節細陳客况夜燈前

留別敬齋方伯

巖疆萬里禦羌戎始信浮蹤似轉蓬人事
漫嗟憂悔吝天涯休問馬牛風于今遠畧
資籌筆此後新詩託塞鴻萍水逢君應有

日不須馬首悵西東

九日小獵

巖疆不負登高約。白髮猶存見獵心。萬里山川供遠眺。一城風雨助孤吟。安驅網已開三面。詭遇人難獲十禽。却笑書生籬菊畔。題糕無句覓知音。

又成一律

重陽事小獵。短後御征衣。怒馬翻雲入。飢

鷹貼草飛。塞風吹絮帽。原樹掛斜暉。他日題糕詠陰山紀合圍。

讀借綠軒三仲遺詩感賦

我讀三仲詩。文情竟雙美。聯翩赴玉京。同作修文使。文齊福不齊。才人類如此。動我鵲鴿情。雁行慟莫比。藹藹石經堂。聯床業書史。庭槐結雙芝。出為兩學士。高吟九列間。生徒半金紫。胡駕青虬去。年纔強仕耳。

遺詩漸零落久恐沒泥滓逸想隨飄風壯
懷付流水衰年無弟兄孑然守荒壘子由
不可見老眼看猶子讀詩卷未終淚落已
滿紙

上 恩湛庵撫軍

余謫戍輪臺路出洛下首見撫軍
不知即三年後替人也事之巧合
如此詩以紀之

遷客初經洛下春喜逢舊雨述邊塵誰知

一夕酒酣語已結三年瓜代因吏部我為
三度客回疆君是再來人節麾指日辭荒
傲歸去春明作主賓

內子六十初度詩以寄之

十七君于歸余年才十九乙夜警雞鳴刀
尺不離手隨余學小詩咕嗶儼閨友同博
堂上歡承顏賴新婦二十回京師持家事
井臼郎官計俸緡淡薄饜薤韭中年飭閨

訓兒女隨阿母向平佳事繁婚嫁兩不苟
茫茫歲月遷相對驚老醜昔為及笄人今
隨白髮叟我逾花甲期君亦週甲候相看
鬢若絲莫問印如斗去年蒙

詔歸衣代一年久歲杪整歸鞭相見暮春
後羸軀尚矍鑠自顧異衰朽想君高曠懷
強健勝蒲柳歸時介眉壽舉案誇白首酣
嬉兒女前一醉蟠桃酒

跋

梅庵先生以碩德重望出鎮疏勒撫馭
餘閒寄情歌咏著玉門詩鈔二卷經濟
識力以及忠愛慈惠之誠於是乎在非
如昔人塞下諸曲僅備饒歌一體也時
余以先生舊屬協贊徠寧間亦勉相
倡酬以誌同聲之應壬申冬先生以
少宰還

朝余亦拜直臬

恩命既歸請其稿為付剞劂 先生一

代宗匠詩集遍海內豈借茲刻傳余以
末學幸得附名卷末欲藉 先生之詩
傳耳至於事異題襟集非倡和余元倡
和作概不附錄事有體例非徒藏拙已
也慶格跋

玉門詩鈔

先生于役輪臺及總制西

域之作也

時樞負笈從游受命編次

先生論詩以真意為宗舊刻梅庵詩鈔

六卷傳遍海內近作另闢一格情隨事

遷亦自寫其真境而已 先生自記以

老自嘲樞竊為 先生總督兩江時籌

海防河心力交瘁齒危目昏不敢言老
今以邊陲務簡迄可小憇齒之搖者復

堅目之昏者復明裁決庶務敏速周至
勝少年十倍以故邊風不驚塞草咸靡
得以餘興希踪風雅是先生不老然
自通籍以來敷歷中外四十餘年
國計民生洞達諳練無出其右方今元
老舍先生其誰如欲以庾信文章老
恐

聖天子與天下蒼生所不許也 樞門下

士於先生之詩何敢贊一詞謹以復
於先生者綴諸簡末受業筮立樞謹
跋

馬



